



Koronavirusi i ri

Përditësuar më 06.06.2020

KËSHTU MBROHEMI NE.




Fletë informuese

Informacione të rëndësishme rreth koronavirusit të ri dhe rregullave për higjienën dhe sjelljen.


Respektoni tani patjetër rregullat e reja:



Në rastin e simptomave të sëmundjes testohuni menjëherë dhe qëndroni në shtëpi.



Jepni gjithmonë të dhënat e kontaktit për gjurmueshmërinë kur është e mundur.



Nëse rezultoni pozitiv në test: Izolim.
Në rast kontakti me persona pozitivë në test: Karantinë.

Ndiqni më tej rregullat për higjienën dhe sjelljen. Sepse koronavirusi i ri nuk duhet të përhapet sërish më shumë.



Mbani distancë.



Lajini mirë duart.



Kollituni ose teshtini me shami ose vendosni parakrahun.



Nëse është e mundur, vazhdoni të punoni sërish nga shtëpia.



Këshillë: Mbani maskë, nëse mbajtja e distancës nuk është e mundur.



Shmangni shtrëngimin e duarve.



Vetëm pas njoftimit me telefon shkoni në klinikën e mjekut ose në repartin e urgjencës.

Pyetjet dhe përgjigjet më të shpeshta për koronavirusin e ri

Që nga 6 qershori kompanitë dhe institucionet e tjera janë hapur sërish dhe veprimtaritë mund të zhvillohen me deri në 300 persona. Kushti paraprak janë konceptet e mbrojtjes. Nëse ka kontakte të afërta, atëherë duhet të kërkohen të dhënat e kontaktit. Në këtë mënyrë mund të sigurohet gjurmueshmëria në rastin e një personi të infektuar rishtazi. Gjithashtu, të gjithë pjesëmarrësit duhet të ndjekin rregullat për higjienën dhe sjelljen – organizatorët dhe organizatorët, pjesëmarrësit, punonjësit, klientët dhe klientet, mësuesit, nxënësit dhe nxënëset, sportistët dhe trajnerët.

Ndiqui më tej rregullat për higjienën dhe sjelljen. Sepse koronavirusi i ri nuk duhet të përhapet sërish më shumë.

Ngjitja dhe rreziqet

Përse janë kaq të rëndësishme këto rregulla për higjienën dhe sjelljen?

Në rastin e koronavirusit të ri bëhet fjalë për një virus ndaj të cilit njerëzit **nuk kanë ende asnjë mbrojtje imune (forca mbrojtëse e trupit). Mund të ndodhin shumë infektime dhe sëmundje.** Prandaj, ne duhet që mundësisht ta parandalojmë përhapjen e koronavirusit të ri.

Ne duhet t'i mbrojmë personat e veçantë, të cilët kanë një rrezik të lartë për t'u sëmurur rëndë.

Këta persona janë:

- Personat mbi 65 vjeç
- Të rriturit me sëmundje të mëparshme si më poshtë:
 - **Hipertensioni/presioni i lartë i gjakut,**
 - **Sëmundjet kronike të rrugëve të frymëmarrjes,**
 - **Diabeti,**
 - **Sëmundjet dhe terapitë që dobësojnë sistemin imunitar.**
 - **Sëmundjet e sistemit kardiovaskular, si dhe**
 - **Kanceri**

Ose me:

- **Mbipesha e madhe (obeziteti, BMI 40 ose më shumë)**

Nëse nuk jeni të sigurt nëse konsideroheni pjesë e personave veçanërisht të rrezikuar, atëherë drejtojuuni mjekes ose mjekut tuaj.

Nëse i respektojme që të gjitha rregullat e sjelljes dhe të higjienës, atëherë ne mund t'i mbrojmë më mirë edhe këta persona. Në këtë mënyrë ne kontribuojmë gjithashtu që personat me sëmundje të rënda në institucionet shëndetësore të vazhdojnë të trajtohen mirë. Kjo për arsye se dhomat e trajtimit dhe aparaturat e ventilimit në pavijonet e kujdesit intensiv janë të kufizuara.

Jeni mbi 65 vjeç apo keni ndonjë nga sëmundjet e mëparshme të sipërpërmendura?

Në këtë rast vlejné masat e mëposhtme:

- Ju mund të dilni nga shtëpia, për aq kohë sa ndiqni me përpikëri rregullat për higjienën dhe sjelljen. Shmangni vendet me shumë njerëz (p.sh. stacionet e trenave, transporti publik) dhe oraret e pikut të lëvizjes së njerëzve (p.sh. kryerja e pazareve të shtunave, udhëtimet vajtje-ardhje)
- Shmangni kontaktet e panevojshme dhe mbani distancë me personat e tjerë (të paktën dy metra).
- Kërkojini, kur është e mundur, një shoqeje, një shoku ose fqinjit të bëjë blerjet për ju ose porositi online ose nëpërmjet telefonit. Ju gjithashtu mund të gjeni oferta mbështetëse nga organizata të ndryshme, përmes komunitetit tuaj ose në internet.
- Për takime biznesi dhe private përdorni telefonin, Skype ose një mjet të ngjashëm.

Nëse duhet të shkoni te mjeku, atëherë shkoni me makinë, me biçikletë ose në këmbë. Nëse kjo nuk është e mundur, atëherë merrni një taksì. Mbani distancë të paktën dy metra nga personat e tjerë dhe ndiqni rregullat e higjienës. **Këshillë: Mbani maskë, nëse mbajtja e distancës nuk është e mundur.**

Nëse shkoni në punë dhe jeni të rrezikuar për shkak të një sëmundje të mëparshme, atëherë punëdhënësi juaj duhet t'ju mbrojë.

Informacione të vlefshme gjeni nëpërmjet Unia Zvicër: Të drejtat tuaja në vendin e punës
<https://www.unia.ch/de/arbeitswelt/von-a-z/coronavirus>

Keni ndonjë apo më shumë simptoma të sëmundjes si kollë (zakonisht e thatë), dhimbje fyti, vështirësi në frymëmarrje, temperaturë, ndjesi ethesh, dhimbje muskujsh ose humbje e papritur të shqisës së nuhatjes dhe/ose të shijuarit? **Atëherë telefononi menjëherë mjeken/mjekun tuaj ose një spital. Edhe gjatë fundjavës.** Përshkruani simptomat tuaja dhe thoni që bëni pjesë të personat veçanërisht të rrezikuar.

Si transmetohet koronavirusi i ri?

Koronavirusi i ri transmetohet kryesisht gjatë kontaktit të afërt dhe të gjatë: Nëse mbani një distancë më pak se 2 metra nga një person i sëmurë.

Transmetimi kryhet

- nëpërmjet **spërklave**: Nëse personi i sëmurë teshtin ose kollitet, atëherë virusi mund të arrijë direkt në mukozat e hundës, gojës ose syve të njerëzve të tjerë.
- nëpërmjet **duarve**: Spërklat infektuese nga kollitja ose teshtima mund të arrijnë te duart. Ose nëse prekni një sipërfaqe në të cilën gjendet viruset. Ato arrijnë në gojë, hundë ose sy nëse personi i prek ato.

Kur konsiderohet infektues një person?

Mbani parasysh: Kushdo që është sëmurur me koronavirusin e ri, ai është infektues për një kohë të gjatë. Më konkretisht:

- Që **një ditë përpara fillimit** të simptomave – pra përpara se të dallohet se ai është vetë i infektuar.
- **Gjatë kohës që një person ka simptoma, ai është veçanërisht infektues.**
- **Të paktën deri në 48 orë, pasi** personi ndihet përsëri plotësisht i shëndetshëm. Megjithatë bëni përsëri kujdes që të ruani distancën dhe të lani rregullisht duart me sapun.

A duhet të mbajnë të gjithë maskë në publik?

Jo, ne rekomandojmë që personat e shëndetshëm të mos mbajnë maskë në publik. Kjo nuk i mbron ata mjaftueshëm nga një infektim nga koronavirusi.

Nga ana tjetër, një maskë mund të parandalojë që një person tashmë i infektuar t'ua ngjitë sëmundjen të tjerëve.

Atëherë ne ju rekomandojmë të mbani një maskë, nëse nuk mund të respektoni distancën prej 2 metrash me të tjerët. Në transportin publik ne ju rekomandojmë me forcë që të mbani një maskë në këtë rast.

Duhet të mbani një maskë, nëse përdorni një shërbim, tek i cili në konceptin e mbrojtjes së sektorit është parashikuar mbajtja e maskës.

Gjithsesi vlen: Ndiqni rregullat për ruajtjen e distancës dhe ato për higjienën.

A lejohet që gjyshërit të kujdesen për nipat dhe mbesat e tyre?

Personat mbi 65 vjeç janë veçanërisht të rrezikuar. Ata duhet të mbrohen në mënyrë të veçantë. Kjo shpesh prek edhe gjyshërit. Në fund gjyshërit duhet të vendosin vetë, nëse ata dëshirojnë të kujdesen për nipat dhe mbesat e tyre.

Në çdo rast ne i rekomandojmë gjyshërit:

- Ndiqni rregullat për higjienën dhe sjelljen, për shembull duke larë më shpesh duart, mos përdorni të njëjtat gota me fëmijët dhe të mbani distancë nga prindërit.
- Shmangni vendet me shumë njerëz, për shembull stacionet e trenave ose transportin publik gjatë kohës së pikut të lëvizjes së njerëzve.

Mos merrni përsipër kujdesin për fëmijët, nëse ju ose fëmija jeni të sëmurë edhe në rastin e simptomave të lehta.

Simptoma, diagnoza dhe trajtimi

Cilat simptome shfaqen në rastin e një sëmundje me koronavirusin e ri?

Simptomat më të shpeshta janë ato më poshtë:

- Kollë (zakonisht e thatë)
- Dhimbje fyti
- Vështirësi në frymëmarrje
- Temperaturë, ndjesi ethesh
- Dhimbje muskujsh
- Humbje e papritur e shqisës së nuhatjes dhe/ose të shijuarit

Më të rralla janë:

- Dhimbjet e kokës
- Simptomat gastrointestinale
- Konjuktiviti
- Rrufa

Ashpërsia e simptomave mund të jetë e ndryshme, por ajo mund të jetë edhe e lehtë. Gjithashtu të mundur janë edhe ndërlikimet, si për shembull një pneumoni.

Nëse ju keni një ose më shumë nga simptomat e parashtruara, atëherë ndoshta jeni sëmurur me koronavirusin e ri.

Në këtë rast:

- **Qëndroni në shtëpi.**
- **Bëni kontrollin për koronavirusin (shihni lidhjet e faqeve të internetit në pyetjen tjetër) ose telefononi mjeken ose mjekun tuaj. Përgjigjuni të gjitha pyetjeve në kontrollin online ose në telefon sa më saktë që të jetë e mundur. Në fund merrni një rekomandim për mënyrën e veprimit dhe, sipas rastit, udhëzimin për t'u testuar.**
- **Lexoni udhëzimet për "izolimn" (www.bag.admin.ch/neues-coronavirus-downloads) dhe ndiqini ato me rigorozitet.**

Në rast se jeni mbi 65 vjeç ose keni një sëmundje të mëparshme, atëherë vlen: Në rastin e një apo më shumë simptomave të shpeshta telefononi menjëherë në çdo rast një mjek ose një fundjavës.

Nuk jeni të sigurt se si duhet të silleni?

Me kontrollin për koronavirusin në faqen <https://check.bag-coronavirus.ch/screening> pas përgjigjes së disa pyetjeve do të merrni një rekomandim nga Zyra Federale e Shëndetit Publik (në gjermanisht, frëngjisht, italisht dhe anglisht).

Në faqen e internetit të kantonit Waadt në adresën <https://coronavirus.unisante.ch/evaluation> gjeni një kontroll për koronavirusin në 8 gjuhë të tjera.

Kontrolli për koronavirusin nuk është një zëvendësim i këshillave, diagnostikimit ose trajtimit mjekësor profesional. Simptomat e përshkruara në kontroll mund të shfaqen edhe në lidhje me sëmundje të tjera, të cilat kërkojnë një veprim tjetër.

Në rastin e simptomave që bien në sy, të cilat përkeqësohen ose ju shqetësojnë, drejtojeni gjithmonë një mjek ose një mjeku.

Si trajtohet një sëmundje me koronavirusin e ri?

Trajtimi kufizohet në zbutjen e simptomave. Të sëmurët izoloohen për mbrojtjen e personave të tjerë. Në rastin e një sëmundjeje të rëndë zakonisht është i nevojshëm një trajtim në kujdesin intensiv të një spitali. Sipas rrethanave mund të jetë e nevojshme një frymëmarrje artificiale.

Keni ankesa, ndjesi sëmundjeje ose simptome, të cilat nuk kanë lidhje me koronavirusin e ri?

Ankesat shëndetësore, sëmundjet dhe simptomat që nuk kanë lidhje me koronavirusin e ri duhet të merren seriozisht dhe të trajtohen. Kërkoni ndihmë dhe mos pritni shumë gjatë: Telefoni një mjek ose një mjek.

Informacione të tjera

A duhet të përdor një maskë në tren, autobus ose në tramvaj?

Në mjetet e transportit publik me pak njerëz nuk është e nevojshme mbajtja e maskës higjienike. Në oraret e pikut të lëvizjes së njerëzve – ose nëse nuk mund të mbani një distancë prej 2 metrash me persona të tjerë – duhet të mbani patjetër një maskë. Më mira do të ishte që të shmangni transportin publik në oraret e pikut të lëvizjes së njerëzve.

Ndërmarrjet e transportit SBB dhe Postauto kanë hartuar koncepte mbrojtjeje për të gjithë sektorin.

Në transportin publik merrni parasysh edhe udhëtarët e tjerë. Dhe mos harroni:

- Distancën e mjaftueshme në stacione, përpara sporteleve dhe në automatet e biletave
- Shpërndarjen e mirë në automjete
- Qëndroni në radhë për të lejuar vend të mjaftueshëm për zbritjen

Sa persona lejohet të takohen?

Në vendet publike, në trotuare dhe në parqe lejohet të takohen maksimumi 30 persona. Por megjithatë duhet të ruani sërish distancën prej 2 metrash me personat e tjerë dhe të ndiqni rregullat për higjienën dhe sjelljen. Rregulli për ruajtjen e distancës nuk vlen për familjet ose grupet e banorëve të një banese.

Nëse grupi përbëhet nga më shumë se 30 persona, atëherë policia mund të ndëshkojë çdo person të grupit me një gjobë sipas ligjit.

Nga data 6 qershor **veprimtaritë publike dhe private** mund të zhvillohen me deri në 300 persona. Këtu bëjnë pjesë: festat familjare, panairët tregtare, koncertet, shfaqjet teatrale, shfaqjet e filmave si dhe mitingjet e shoqërisë civile. Në varësi të formës së veprimtarisë janë të nevojshme konceptet mbrojtëse ose listat e të pranishmëve. Ruani distancën prej 2 metrash me personat e tjerë edhe në rastin e veprimtarive dhe ndiqni rregullat për higjienën dhe sjelljen.

Për veprimtaritë private nuk nevojitet asnjë koncept mbrojtjeje. Organizatorja/organizatori duhet të mbajë gjithsesi një listë të personave të pranishëm me të dhënat e tyre të kontaktit (emri, mbiemri, numri i telefonit).

Ju lutemi mbani parasysh:

- Veprimtaritë e zhvilluara në ambient të hapur mbase fshehin një rrezik të vogël infektimi, krahasuar me aktivitetet në hapësira të ngushta ose me ajrosje të pamjaftueshme. Megjithatë në çdo pjesëmarrje është përgjegjësia juaj individuale në plan të parë. Prandaj mos merrni pjesë në shumë veprimtari të ndryshme. Kjo do të rëndonte gjurmueshmërinë e kontakteve tuaja.
- Ruani distancën prej 2 metrash edhe në rastin e veprimtarive dhe ndiqni rregullat për higjienën dhe sjelljen. Nëse një person i infektuar me koronavirus merr pjesë në veprimtari ku merrni pjesë gjithashtu edhe ju, atëherë mund të shmangni karantinën duke respektuar në mënyrë rigorozë këto rregulla.

Veprimtaritë e mëdha me më shumë se 1000 persona mbeten të ndaluara deri më 31 gusht 2020.

Çfarë duhet të kem parasysh gjatë një vizite në një restorant?

Konsumimi i ushqimit duhet bërë ulur.

Ju mund t'i vizitoni restorantet edhe në grupe të mëdha. Kushti paraprak është që

- personat ta njohin grupin, në mënyrë që nëse nevojitet të zhvillohet një gjurmim i kontakteve,
- të paktën një person duhet të lërë të dhënat e tij të kontaktit.

Në rastin e çdo vizite ndiqni gjithmonë udhëzimet e kompanisë.

Çfarë ndodh nëse numri i të infektuarve të rinj nuk bie, por rritet përsëri me shpejtësi?

Varet se si zhvillohet situata. Nëse numri i infeksioneve të reja rritet përsëri, atëherë Parlamenti Federal do të shtyjë masat e planifikuara të lehtësimit ose të kthejë pjesërisht masat lehtësuese të paraqitura tashmë. Atëherë duhet të bëhen rregullime edhe në lidhje me konceptet e mbrojtjes.

Gjej ndihmë.

Çfarë mund të bëj nëse gjuha ime nuk flitet dhe nuk kuptohet në spital?

Pyesni që në fillim për një përkthyes ose një përkthyes. Ka edhe shërbime përkthimi nëpërmjet telefonit. Nëse thërrisni për këshillë përkthyes profesionistë, atëherë nuk duhet të merrni me vete në përkthim të afërmit tuaj dhe kështu ata mbrohen nga infektimi. Ju keni të drejtë të kuptoni dhe të kuptoheni gjatë ndërhyrjeve mjekësore.

Ju duhet të qëndroni në shtëpi dhe ju nevojiten ushqime apo ilaçe?

Apo dëshironi që të ofroni ndihmë?

Shikoni në ambientin tuaj përreth:

- A mund t'i kërkonti ndihmë dikujt?
- Ose a mund t'i ofroni dikujt ndihmën tuaj?

Mundësi të tjera:

- Drejtohuni në administratën e komunës ose të qytetit
- Përdorni aplikacionin "Five up"
- Kërkoni në faqen e internetit www.hilf-jetzt.ch / www.aide-maintenant.ch

Edhe në këtë rast vlen rregulli: Rregullat për higjienën dhe sjelljen duhen garantuar dhe zbatuar gjithmonë.

Ndiheni të shqetësuar apo keni nevojë të bisedoni me dikë?

Këtu gjeni informacione:

- Në internet në adresën www.dureschnufe.ch / <http://www.santepsy.ch> / www.salutepsi.ch
- Këshillim përmes telefonit në numrin 143 (Telefoni i mikut)

Ndiheni të kërcënuar në shtëpi? Keni nevojë për ndihmë apo për mbrojtje?

- Numrat e telefonit dhe adresat e emailit për këshillimet në anonimitet dhe mbrojtje në të gjithë Zvicrën i gjeni në adresat www.opferhilfe-schweiz.ch / www.aide-aux-victimes.ch / www.aiuto-alle-vittime.ch.
- Në **rast emergjence** telefononi policinë: Numri i telefonit **117**

Numra të tjerë telefoni të rëndësishëm:

- **Urgjenca mjekësore** (Ambulanca) **144: Ky numër** është i disponueshëm në çdo moment të ditës në të gjithë Zvicrën për të gjitha rastet e urgjencave mjekësore.
- **Linja e informacionit** për koronavirusin e ri: Në numrin **058 463 00 00** mund të drejtoni pyetjet tuaja për koronavirusin dhe të merrni përgjigje.
- **Linja e ndihmës për koronavirusin e HEKS/EPER** në 10 gjuhë (shqip / arabisht / boshnjakisht-serbisht-kroatisht / kurdisht / persisht, darisht / portugalisht / spanjisht / tamil / tigrinia / turqisht): Në numrin **0800 266 785** mund të drejtoni pyetjet tuaja dhe të merrni përgjigje për situatën e koronavirusit në Zvicër dhe informacion rreth ofertave të ndihmës. Informacione të tjera gjeni në: <https://www.heks.ch/was-wir-tun/heks-mehrsprachiges-hilfetelefon#plakate-und-videos>
- **Nëse nuk keni asnjë mjek familjeje: Medgate** është në dispozicionin tuaj në numrin **0844 844 911** për 24 orë në ditë në 7 ditë të javës, në 365 ditë të vitit.

Kthimi në vendin e punës

Më tej, Parlamenti Federal rekomandon të vazhdoni të punoni nga shtëpia, nëse është e mundur, për të shmangur edhe ngarkesat e pikut në transportin publik. Megjithatë është punëdhënësi juaj ai që vendos nëse dhe kur duhet të ktheheni në vendin e punës.

Nëse shkoni në punë dhe jeni të rrezikuar për shkak të një sëmundje të mëparshme, atëherë punëdhënësi juaj duhet t'ju mbrojë.



Përditësuar më 08.06.2020

Testet e koronavirusit dhe gjurmimi i kontakteve ndalojnë zinxhirin e infeksionit.

Përse të dyja masat janë kaq të rëndësishme.

Në mënyrë që të zhvillohet një jetë "normale", të gjithë njerëzit me simptomat e sëmundjes duhet të testohen menjëherë për koronavirusin e ri – edhe në rastin e simptomave të lehta. Përveç kësaj, për testin është e rëndësishme që të gjithë njerëzit të vënë në dispozicion të dhënat e tyre të kontaktit për gjurmueshmërinë, për shembull në restorant. Sepse personat e infektuar tashmë mund të jenë infektues, edhe nëse ata ndihen të shëndetshëm. Kështu testimet dhe gjurmimi i kontakteve ndalojnë zinxhirin e infeksionit.

Kur testi i koronavirusit rezulton pozitiv, atëherë fillon gjurmimi i kontakteve.

- Autoritetet kantonale së bashku me personin e infektuar gjejnë se me kë ka pasur personi kontakt të afërt.
- Autoritetet informojnë personat e kontaktit për një infektim të mundshëm dhe për veprim të mëtejshëm.
- Edhe nëse këta persona nuk kanë asnjë simptomë, duhet të shkojnë në karantinë. Kjo vlen për dhjetë ditë pas kontaktit të fundit për personin infektues.
- Nëse gjatë kësaj kohe nuk është konstatuar asnjë infeksion, atëherë autoritetet e heqin sërish karantinën.

Nëse një person i kontaktuar nga autoritetet ka tashmë simptomat e sëmundjes.

- Personi duhet të shkojë menjëherë në izolim dhe të testohet për koronavirusin e ri.
- Kur testi i koronavirusit rezulton pozitiv, atëherë bëhet një gjurmin i kontakteve nga autoritetet.

Nëse një person në karantinë shfaq simptomat e sëmundjes.

- Personi duhet të shkojë menjëherë në izolim dhe
- ai do të testohet për Koronavirusin e ri.
- Kur testi i koronavirusit rezulton pozitiv, atëherë bëhet një gjurmin i kontakteve nga autoritetet.
- Nëse tashmë personi përfundon në karantinë, atëherë ai duhet të ketë kontakt vetëm me personat shumë të afërt. Tashmë nëpërmjet karantinës zinxhiri i infeksionit ndërpritet.

Aplikacioni i gjurmimit të kontakteve SwissCovid

Për ndalimin e koronavirusit të ri BAG do të nxjerrë së shpejti një aplikacion. Aplikacioni informon personat, të cilët kanë pasur kontakt të afërt me personin e sëmurë, por që nuk e njohin atë personalisht. Këtu prioritetin më të lartë e ka privatësia e përdoruesve dhe përdoruesve – asnjë e dhënë personale nuk ruhet në formë të centralizuar.

Kështu mbrohem ne.

Parlamenti Federal

Çfarë është koronavirusi i ri? Çfarë është SARS-CoV-2 dhe çfarë është COVID-19?

Koronavirusi i ri u zbulua në fund të vitit 2019 në Kinë për shkak të një grumbulli të jashtëzakonshëm të pneumonive në qytetin qendror kinez Vuhan. Virusi mori emrin SARS-CoV-2 dhe bën pjesë në të njëjtën familje si mikrob patogjen i "Middle-East Respiratory Syndrome" MERS dhe "Sindroma e rëndë respiratore akute" SARS.

Sëmundjes që shkaktohet nga koronavirusi i ri, Organizata Botërore e Shëndetësisë (OBSH) i ka dhënë një emër zyrtar më 11 shkurt 2020: COVID-19, shkurt për "coronavirus disease 2019" ose në shqip "Sëmundja e koronavirusit 2019".

Informacionet e disponueshme të tanishme nxjerrin përfundimin që kafshët e kanë transmetuar virusin te njerëzit dhe tani përhapet nga njeriu te njeriu. Prejardhja lokale ndoshta është një treg i peshkut ose i kafshëve në qytetin Vuhan, të cilin autoritetet kineze e kanë mbyllur ndërkohë.

Informacione të tjera:

www.bag-coronavirus.ch

www.bag.admin.ch/neues-coronavirus

(gjermanisht, frëngjisht, italisht, anglisht)



Schweizerische Eidgenossenschaft
Confédération suisse
Confederazione Svizzera
Confederaziun svizra

Swiss Confederation

Bundesamt für Gesundheit BAG
Office fédéral de la santé publique OFSP
Ufficio federale della sanità pubblica UFSP
Federal Office of Public Health FOPH